

REVERENDISSIMO AC ILLUSTRISSIMO DOMINO, DOMINO
ERNESTO, S.R.I. COMITI A TRAUTH-
SON, COMITI IN FALCKENSTEIN, BARONI IN SPRECHEN ET
Schrovenstein, Domino in Matreia, Keya, Laa, & S. Hypolithum, Metropolitanæ Ecclesiæ Salis-
burgensis Canonico & Præposito Zwethalensi in Liechtenthal, &c,

Nec non

ILLUSTRISSIMO DOMINO DOMINO
PAULO SIXTO, S.R.I. COMITI A TRAUTH-
SON, COMITI IN FALCKENSTEIN, BARONI IN SPRECHEN, ET
Schrovenstain, Domino in Matreja, Keyà, Laa, & S. Hypolithum Præfecto Supremo Hæreditario Inferioris
Austriæ, ac Marefchallo Hæreditario Comitatus Tyrolensis, Sac: Cæs: Majestatis Camerario, Consiliario, & Excelli In-
ferioris Austriæ Regiminis Regenti, &c.

DOMINIS DOMINIS ET MÆCENATIBUS GRATIOSISSIMIS.

Quando Illustrissima sidera, quorum benignioribus adjutus patrocinij radijs ex Philosophia littore solvens, immensum Juris oceanum secnrè ad por-
tum usque pernavigavi, naturaliter Vestris correspondentem influxibus exigitis gratitudinem, Mæcenates gratiosissimi, cedit tenuitas mea, quod tan-
tos in meosq; impensos ab Excellentissimo Parente Vestro, & Vobis favores, nec possit, nec præsummat adæquare, ut tamen grati animi quale-
quale argumentum ipsa in impotentiâ agnosceretis, non dubitavi illud etiam juxta Senecam de benef. lib. 5. c. 2. voluntate declarare, dum coronidem operi impos-
turus, Vobis sicut primos, ita postremos Jurisprudentiæ fructus, Vestris quidem impares dignitatum splendoribus in perpetuam gratitudinis tesseram unâ mecum
cederem, illud omnino sperans fore, ut ex usitata humilitate Vestra, licet minimi sint, gratiosè susciperentur, permittite igitur Vestro Illustrissimo Nomine
superimpositum signari ædificium, cujus oblatum non respiciatis fundamentum, maneamq; omnino cum plurimis alijs, tum maxime duplici & necessario &
voluntario cessionis titulo.

Rever: & Illust: Dom: Vestrorum

Servus humillimus

Joannes Christophorus Katscher, J. U. D.

D. T. O. M. A.
AUTHORITATE ET CONSENSU PRÆ-
NOBILIIUM, STRENUORUM, MAGNIFICORUM,
ET CLARISSIMORUM VIRORUM, &c. MAGNIFICI DOMINI
Rectoris, Spectabilis Domini Decani Inclytæ Facultatis Juridicæ, Dominorum Seniorum, Sac: Cæs: Maje-
statis Consiliariorum, Adeoque totius Amplissimi Jurisconsultorum Collegii, in Antiquissima, & Celeberrima Universitate Viennensi
subsequentes Theses ex assignata sibi L. per diversas C. Mandati, Cum annexâ quæstione Canonica, repetitionis gratiâ pro consequendis inclytæ fa-
cultatis privilegijs publicè proponit.

** JOANNES CHRISTOPHORUS KATSCHER, Austriacus Viennensis, J. U. Doctor. **

CESSIO actionis venditæ pro pretio incongruo non valet ultra nu-
merationem.

II.

IDque propter præsumptam simulationem & Calumniam.

III.

Licet pars quæ pretium excedit donetur.

IV.

Aut cessio Juramento firmetur.

V.

FAllit in cohæredibus, collegatarijs, & his quibus pro tuenda sua posses-
sione, aut in solutum ceditur nomen.

VI.

Vel si debitor cessione consentiat.

QUÆSTIO CANONICA.

Ex C. fin. & de alien. Jud: mut: Causa.

AN Laicus Clerico cedere nomen possit?

Disputabuntur in Collegio DD. J. C. horis consuetis pomerid: die 2. Mensis Martij, Anno M. DC. LXXIII.
VIENNÆ AUSTRIÆ, Typis Joannis Jacobi Kürner.